

Color di bandera di Aruba oficialisa na januari



Dia prome di januari 2015, e colornan di nos bandera a keda oficialisa, por medio di un ley. Pa por importa y vende e bandera di Aruba, mester aprobacion di Departamento di Cultura Aruba, pa por haya e permiso necesario.

Les mas riba pagina A2

Colornan di bandera a keda oficialisa na januari 2015

ORANJESTAD - Segun e cambionan presenta na Parlamento di Aruba relaciona cu e color di nos bandera, esaki a keda oficialisa dia 1 di januari 2015, por medio di e ley. Segun e cambionan manifesta den Ley articulo 11 di (LB ham) pa e permiso di importa y bende e bandera lo mester entrega un muestra di e bandera pa aprobacion na Departamento di Cultura Aruba (DCA) pa por haya e permiso necesario.

T'asina cu lo mester di permiso pa por importa y bende e bandera Arubano. Esaki por



wordo pidi na Departamento di Cultura Aruba, situa riba L.G. Smith Boulevard # 134 den Horizonte Building riba prome piso tras di DA

Drogisterij.

Colornan oficial

Colornan corecto di e bandera di Aruba lo ta Geel: PMS 109C; Cora: PMS 032C; Blanco: PMS Blanco absoluto y Blauw: PMS 279C.

Permiso

Pa haci peticion pa e permiso pa importa y cumpra mester tin riba e formulario: Pa loke ta trata e permiso di compra: Fam y nomber di esun cu ta haci e peticion, Si esun cu ta haci e peticion ta un instancia of negoshi cual mester ta inscribi na Camara di Comercio, Nomber di e fabricante den exterior, Menciona e cantidad di bandera cu lo importa y nan midi (nan), Lo

mester demostra un ehemplar di e bandera importa;

Pa loke ta trata e permiso di benta: Fam y nombernan di esun cu ta haci e peticion, Si e peticionario ta un instancia of negoshi cual mester ta inscribi na Camara di Comercio, nomber di e importador na Aruba, Den caso di no cumpli cu ley lo por tin sancion den forma di un boet.

Meta

E meta di gobierno ta pa yega na uzo di un solo color di bandera uzando e colornan



corecto. Cu ta oficialisa pa medio di ley. Ta importante pa semper duna respet na nos propio bandera. Sigur awor cu nos ta dilanti di porta di e celebracion nacional di Dia di Himno y Bandera cu ta riba 18 di maart venidero. □

